

werden / Vnd die kunstbegirigen vnd kunstliebenden / von wegen der neidigen vnd vndanckbaren / der kunst berauben / oder ihnen solche verhalten vnd verbergen / sondern gedenccken / das ihn leit ist das jemand etwas guts kan oder lerne / wie denn der neydigen art ist / Vnd mag also mit allen verständigen sagen / Die kunst hat kein größern feind / denn welche jr vnwissent seind / Welcher Vogel getroffen wird der schreit / So musste doch auch vnser Herr Christus vorlieb nemen / das er vnter zehen Aussckigen nur einen danckbaren fand / Da er sprach / wo sind aber die neune / hat sich sonst keiner funden / der wider umbkere vnd gebe Gott die Ehre / denn dieser frembdling / etc.

Wir aber / wollen Gott dem HERN dancken / das man dennoch etliche frome verständige liebhaber vnd fürderer gutter künste sind / Die noch etwas bey der kunst zusehen / vnd sich derselbigen mit ernst annehmen / vnd sich nicht als stöcke vnd vnuerständige Leute (welche meinen / man schütelt die künste nur von Beumen / vnd als  
bald